

Broj: 03-04-353-3/24
Sarajevo, 18.06.2024. godine

PARLAMENT FEDERACIJE BOSNE I HERCEGOVINE
Zastupnički dom

n/p gosp. Ivanu Miličeviću, tajniku
n/p gđi Mirjani Marinković-Lepić, zastupniku ✓

Predmet: Odgovor na zastupničku inicijativu


Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno: 19-06-2024			
Org. jed.	Broj	Priloga	Vrijednost
05/1	-02-	261	124

Poštovani,

Sukladno članku 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u svezi sa člankom 116. Poslovnika Zastupničkog doma Parlamenta Federacije Bosne i Hercegovine („Službene novine Federacije BiH“, br: 69/07, 2/08, 26/20 i 13/24), u privitku Vam dostavljam akt Federalnog ministarstva prostornog uređenja, broj: 04-02-4-486/24-2 od 30. svibnja 2024. godine, koji se odnosi na zastupničku inicijativu zastupnika Mirjane Marinković-Lepić.

S poštovanjem,



TAJNIK VLADE
dr. sci. Edita Kalajdžić

Privitak: kao u tekstu

5932

Broj: 04-02-4-486/24 - 2
Sarajevo, 30.05.2024. godine

BOSNA I HERCEGOVINA
FEDERACIJA BOSNE I HERCEGOVINE
VLADA
TAJNIK VLADE
Ulica Hamdije Čemerlića 2
71 000 Sarajevo

BOSNA I HERCEGOVINA
FEDERACIJA BOSNE I HERCEGOVINE
VLADA
Sarajevo

PRIMLJENO: 14.06.2024			
Organizaciona jedinica	Klasifikacione oznake	Redni broj	Broj priloga
03-04-353-3/2024			

Predmet: Odgovor na zastupničku inicijativu
Veza Vaš akt broj: 03-04-353-3/24 od 20.05.2024. godine

Poštovani,

Vašim aktom broj: 03-04-353-3/24 od 20.05.2024. godine obratili ste se ovom Federalnom ministarstvu radi nadležnog postupanja po inicijativi koju je podnijela Mirjana Marinković-Lepić, zastupnica u Zastupničkom domu Parlamenta Federacije BiH, a u vezi restauracije Kino Centra u Tuzli sukladno preporukama Komisije za očuvanje nacionalnih spomenika Bosne i Hercegovine iz Odluke broj 07.3-2.3-64/15-24 od 05.11.2015. godine.

Budžetom Federacije Bosne i Hercegovine se svake godine obezbjeđuju sredstva u određenom iznosu Federalnom ministarstvu prostornog uređenja za projekat „Kapitalni transferi drugim nivoima vlasti i fondovima – učešće Vlade FBiH u sufinansiranju kantonalnih i lokalnih zajednica – zaštita nacionalnih spomenika“. Vlada Federacije Bosne i Hercegovine donosi Odluku o usvajanju Programa utroška sredstava sa kriterijima raspodjele „Kapitalni transferi drugim nivoima vlasti i fondovima – učešće Vlade FBiH u sufinansiranju kantonalnih i lokalnih zajednica – zaštita nacionalnih spomenika“.

Zakonski osnov za donošenje ove odluke sadržan je u odredbi članka 19. stavak (2) Zakona o Vladi Federacije Bosne i Hercegovine (“Službene novine Federacije BiH”, broj: 1/94, 8/95, 58/02, 19/03, 2/06, i 8/06) po kojem Vlada Federacije Bosne i Hercegovine u okviru svojih ovlaštenja donosi Odluke kojim se uređuju pojedina pitanja ili propisuju mjere, daje suglasnost ili potvrđuju akti drugih tijela ili organizacija, te odlučuje o drugim pitanjima o kojima se ne odlučuje uredbom, zatim članku 29. i članku 38. Zakona o izvršenju Proračuna Federacije Bosne i Hercegovine za 2024. godinu (“Službene novine Federacije BiH”, broj: 7/24) kojima je propisano da se sredstva utvrđena na razdjelu 23. Proračuna koriste po programima koje donosi Vlada a da Proračunski korisnici obavezno predlažu Vladi programe utroška tih sredstava, kao i u članku 10. Zakona o zaštiti dobara koja su odlukama Povjerenstva za zaštitu nacionalnih spomenika proglašena kao nacionalni spomenik BiH (“Službene novine FBiH” broj: 2/02, 8/02, 27/02, 6/04 i 51/07) kojim je propisano da je Federacija dužna osigurati pravne, naučne, tehničke, administrativne i finansijske mjere za zaštitu, konzervaciju, prezentaciju i rehabilitaciju nacionalnih spomenika, a Ministarstvo je dužno osigurati mjere iz prethodnog stavka donošenjem i provođenjem podzakonskih akata.

Federalno ministarstvo prostornog uređenja raspisuje Javni poziv za odabir korisnika za program raspodjele sredstava „Kapitalni transferi drugim nivoima vlasti i fondovima – učešće Vlade FBiH u sufinansiranju kantonalnih i lokalnih zajednica – zaštita nacionalnih spomenika“ na godišnjem nivou.

Pravo učešća na javnom pozivu ostvaruju kantonalna i općinska/gradska tijela vlasti FBiH, nadležne javne ustanove, vjerske zajednice – vlasnici nacionalnog spomenika zaduženi za realizaciju programa/projekta.

Javni poziv za 2024. godinu je objavljen u „Službenim novinama FBiH”, broj: 23/24 dana 27.03.2024. godine. Krajnji rok za dostavu prijave je bio 16.04.2024. godine i po navedenom javnom pozivu nije evidentirana prijava projektnog prijedloga restauracije Kino Centra Tuzla.

Javni poziv za 2025. godinu bi trebao biti raspisan nakon usvajanja Budžeta za navedenu godinu, te je potrebno pratiti objavljivanje istog na stranici Federalnog ministarstva prostornog uređenja www.fmpu.gov.ba, te u sredstvima informiranja.

Federalno ministarstvo prostornog uređenja je u prethodnim godinama planiralo raspodjelu interventnih sredstava za hitne namjene, međutim postupajući po konstantnim preporukama Ureda za reviziju institucija u FBiH interventna sredstva su isključena kao mogućnost djelovanja u ovakvim ili sličnim okolnostima.

Srdačan pozdrav,



Dostaviti:

1. Naslovu
2. Evidenciji
3. Arhivi